





異花珍果與信香明水以將誠朱履星冠儼  
金劍霞衣而蒞止敢忘寅晨祇候感通伏願  
太上三尊十方大聖敕勅靈寶官屬侍經威  
神一合同心降臨壇所清蕩內外降伏妖魔  
通達虛无感降真靈使齋功成就無有窒滯  
明辰行道續更啓聞謹啓

十二願  
復爐

香官使者左右龍虎君侍香諸靈官當令  
向來建壇行道之所自然生金液丹碧芝英  
百靈聚真交會在此香火爐前當願十方仙  
童玉女接侍蘭烟傳旨向來所啓之誠速達  
徑御  
至真無極大道  
昊天玉皇上帝 御前

出堂頌 出戶

道門科範大全集卷之四十五

道門科範大全集卷之四十六四十七四十八同卷 啓一

廣成 元生杜元庭 剛定

解穰星運儀

入夕行道

法事陞壇如式

各禮師存念如法

宣衛靈呪

五星列照煥明五方 水星却災 木德致昌  
熒惑消禍 太白辟兵 鎮星四據 家園利亨  
名刊玉簡 字錄帝房 乘輿散景 飛騰太空  
出入冥無 遊宴十方 五雲浮蓋 招神攝風  
役使萬靈 上衛仙翁 與道合真

鳴法鼓二十四通

無上三天玄元始三炁太上道君太上老君  
召出臣身中三五功曹左右官使者左右捧  
香驛龍騎吏侍香金童傳言散花玉女五帝  
直符直日香官合三十六人出出者嚴裝顯  
服冠帶垂纓開啓玄壇土地方域神真 臣今  
建壇行道謹奉為入意其諸誠悃已錄告聞  
願得

太上十方至真道炁靈寶瑞光下降流入 臣  
身中令 臣所啓速達徑御

至真無極大道

昊天玉皇上帝 御前

請稱法位

具位 臣某等謹同誠上啓

太上无極大道元始天尊太上道君太上老  
君昊天玉皇上帝天皇辰極上帝高真十方  
得道諸君丈人玄中大法師十一大曜星君  
圓穹上象南辰北斗二十八宿本命元辰星  
君三界應感一切真靈 臣聞道集虛而有容  
強名本極天積炁而无質獨見三辰日月為  
陰陽之宗盈縮辨寒暑之序散為五緯經以  
列星凡七曜之所纏災祥可驗歷周天而失  
次禍福爰私惟其循黃道以无差可以見國  
家之至治三五分占逆順於乾綱一十二  
辰別華戎於坤紀凡在範圍之內悉歸臨照  
之中修德而災曜可穰積行而德星或聚信  
人事天機之應如影隨響答之符奉道其久  
依三景之照臨孰外五行之生剋遇災而懼